



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

5. Fallax mulierum amor.

---

[urn:nbn:de:hbz:466:1-68709](#)

esset, venisse sibi nuntium, qui diceret: *Mergidem solis sedere regio*, eum manu *Pereaspidis* Persæ interfecit. *Herodotus*. Eandem *Iugurtha*, Manastabalis filius nothus, cùm *Adherbalem & Hiempalem*, Micipse patruī sui filios exanimavit, ut solus Numidis imperaret. Eandem Mithridates Rex Ponti, cùm matrem, fratrem, & insuper sex liberos peremit; & ipse demum à Pharnace filio necatus. Eandem innumeri alii, qui ferrum, dominandi cupiditate, parricidiis cruentarunt. *Felix & beata erit civitas illa (& quælibet familia) in quâ hæc duo verba Meum & Tuum non audiuntur.* Stobæus serm. 22. ex Plutone. Hæ duæ voculæ, etiam joco prolatæ quantam in nobili familia tragœdiam excitârint, narrat Bernardinus Scardeonius lib. 3. class. 13. in descriptione urbis Patavinæ, & ex eo Jacobus Pontanus Attic. Bellar. Part. 1. Syntag. 1. hist. 55. Ex familia, inquit Liminæ Patavina antiquissima, fuerunt duo fratres, qui cùm per aſſatæ ruri post cœnam, noctu, sub dio in atrio domis de diversis rebus diversa inter se loquentes starent, stellâsque innumerâs suspicerent & contemplarentur, quæ tum fortè sereno cœlo fulgebant; per jocum alter dixit ridendo: precari se tot sibi boves, quot stellas micare consiperet. Tum alter mox item per jocum respondit: utinam mihi pratum esset inſtar cœli latum: & ad fratrem conversus, ubi tum, inquit, tuos paſceres boves? ille, in prato tuo. Rursus alter, quid si nolle⁹ ego? subjecit ille: te etiam invitô; Tu me invitô? Etiam, iterat, te invitô. Sic altercando rufus in iram, ira mox in rixam, & in serium furorem conversa, dum neuter alteri cedere sustinet, exortis utrinque gladiis, seu pugionibus, quibus torre ambo accincti erant, se invicem transfixerunt. Et hinc unus, illinc alter humi incidentes, exanimis in sanguine suo volutati⁹ fusc, donec à domesticis, qui eos altercantes audierant, delati intra domum, fatali horâ properante extinti sunt. Quo luctu familiæ quis explicet? Adeò si cœlum quoque rixis materiam subjicit; quid litium non parit tellus, peperitque? Discordes in rogo duorum fratrum Eteoclis & Polynicis flammæ terreat animos, ambitione & iracundiâ accensos: nam quos dissidentes mors rapuit, nulla componet inter ignes æternitas.

V. (e) Eriphyles ob maritum monilis causâ proditum, à filio peremptæ, totiusque familiæ perditæ meminit Horatius Od. 16. lib. 3.

Concidit auguris  
Argivi domus, ob lucrum  
Demersaque excidio.

Et Propertius eleg. 10. l. 3.

Q q 3

Tu

(e) *Fallax mulierum amor & fides.*

Tu quoque ut auratos gereres Eriphyla lacertos,  
Dilapsis nusquam est Amphiarauis equis.

Et Ovidius lib. I. amor.

Ex quibus exierat, trajecit corpora ferro  
Filius, & poenae causa monile fuit.

Arguit hic locus fallacem mulierum amorem & inconstantem fidem, si quis sit, qui licetetur. Quoties eius vitam, quem oculum, corculum, delicium, animam suam vocant, venalem gerunt! acus crinalis, flabellum, speculum, digitabulum, in auris, monile, murenula, armilla, annulus haud difficulter expugnat mutabile pectus. Juvenal. lib. 2. Sat. 6.

Occurrent multæ tibi Belides, atque Eriphylae.

Illæ maritos occiderunt; hæc occidendum prodidit. Nihil non audet, mulier superba simul & avara; plerumque tantò nocentior, quanto apparet innocentior. P. Syrus in Mimo ait: *Aperte cùm mala est mulier, tum demum est bona.* Euripides fucatum malum appellat. Idem in Hippolyto loquitur:

Odi mulieres, te verò præcipue,  
Quæ cùm malè egeris, blandè loqueris.

Eriphyla suâ proditione maritum in terræ hiatum præcipitavit. Toties hoc fit, quoties uxores malæ blanditiis ac nequitiis suis corda virorum evertunt; quarum superbiae ut satisfiat, ad fraudes, ad rapinas, ad varios dolos adiungunt eos; in impatientiam, in luxum, in avaritiam, in odio, in errores, in hæresim, in mille mala, & demum in æternæ damnationis barathrum pertrahunt. Felicissimus fuisse Imperator Justinianus, si conjuge Theodora caruisset, quæ ipsum in Eutychianam sectam induxit Baron. an. 540. Pari modo Arcadius Imp. ab uxore sua Eudoxia deceptus, sanctissimum Praesulem Chrysostomum in exilium egit. Baron. an. 404. Ita Valentem Imp. jam Christianâ doctrinâ imbutum, & baptismo proximum, Ariana hæresi implicavit uxor & perdidit. Theodoret. lib. 4. Eccles. hist. c. 11. Taceo plura. De huius generis feminis loquitur Philosophus Secundus, dum interrogatus quid esset mulier, respondit: Viri naufragium, domûs tempestas, quietis impedimentum, vite captivitas, quotidianum damnum, voluntaria pugna, sumptuosum bellum, convivia fera, leæna complectens, exornata Scylla, animal malitiosum, necessarium malum.

VI. (f) Non desunt tamen illustres matronæ, quæ salutem mariti etiam suæ posthabebant. Nobile sacris in litteris huius rei documentum

(f) *Illiustrium matronarum fides & charitas erga maritos.*